



麵擔仔

「麵擔仔」會使算是臺灣本土的速食業，一鼎滾水，一坵仔肉臊就會當千變萬化。撇仔麵、雜菜麵、丸仔湯、焿菜蔬、豬頭皮、豆干、海帶、滷卵……。干焦家己一個人的時叫一盤烏白切，逐項好料攞齊備，若是臨時臨 iāu 欲請人客，免操煩、免無閒、免開大錢，去麵擔仔，一下手就會當攞一桌豐沛的料理出來。

真濟麵擔仔攞是頭家兼走桌，毋但跤手猛掠，喺水閣真好，勢招呼人客。加去食幾擺仔就變做老主顧、老朋友。三不五時就加一塊豆干、送一粒滷卵，予人感覺特別親切。羅漢跤仔當做家己的灶跤咧行踏，免買菜、免煮食、免洗碗。買菜的主婦去菜市仔覓一輾迴，菜攞款好勢，麵擔仔是慰勞家己的好所在。歇一下仔喘，享受別人煮便便的好滋味。有時有長尻川的人客食飽閣想欲話仙，就那鬥揀菜那開講，親像佇家己厝裡遐爾自在。若佇麵擔仔拄著熟似的朋友，逐家就會相搶欲替對方納數。揀規半晷，落尾頭家會講：「多謝恁，免相搶，相拄會得著啦，較捷來揀場就著矣啦！啊伊錢就先予我矣，後逝才換你啦！」按呢才算結束。總共一句，麵擔仔是一個充滿人情味的好所在啦！

有時陣去到外地，嘛是愛去揣麵擔仔來止枵。臺灣一四界攞有麵擔仔，雖然口味無可能完全相全，毋過臺灣人對食的要求就是「好糍菜一步燒」——擔仔麵就是會當予人燒燒仔食，食粗飽嘛食奇巧。食的記持是生活中一點一滴粒積的習慣，是無法度完全消失的性命記持。大導演李安轉來到臺灣，心心念念的嘛是個兜巷仔口麵擔仔的好滋味。咁一喺燒湯，想起細漢的時陣；哺一喺麵，想起做伙大漢的有志，這就是鄉愁。無論佇佗位，黃昏的故鄉若唱起，目屎就會含目墘；擔仔麵的芳味若想起，喺瀾就強欲涌涌滴。

麵擔仔佇咱臺灣人的記持，是一個溫暖的所在，有一爐糍糍仔火杳杳燃，煮燒燒等恁逐家來食喔。

作者：後山人

☆詞彙學習☆

【撇仔麵】tshik-á-mī：一種臺灣傳統麵食。

利用類似竹籠的撈麵用具，在熱湯中上下搖晃抖動，待煮熟後，再加上湯頭和佐料而成。

【走桌】tsáu-toh：跑堂、侍者。舊時對茶樓、酒鋪、飯館等服務人員的稱呼。

【喺水】tshui-suí：口才。

【長尻川】tng-kha-tshng：形容一個人到別人家做客，聊天過久，忘了要回家。

【話仙】uē-sian：閒聊、閒談。

【納數】láp-siàu：繳納帳款或所欠的金錢。